

玉函山房輯佚書

論語包氏章句卷上

後漢 包咸 撰

學而第一

有朋自遠方來

同門曰朋也

何晏集解 文選古詩十九首李善注引作鄭曰

孝弟也者其爲仁之本與

先能事父兄然後仁道可成也

集解

子曰巧言令色鮮矣仁

巧言好其言語令色善其顏色皆欲令人說之少

能有仁也

集解

子曰道千乘之國敬事而信節用而愛人使民以時
道治也千乘之國者百里之國也古者井田方里
為井十井為乘百乘之國適千乘也為國者舉事
必敬慎與民必誠信節用不奢侈國以民為本故
愛養之作事使民必以其時不妨奪農務

集解
陸德明

釋文引首句蔡模集說
引首句作道猶治也

恭近於禮遠恥辱也

恭不合禮非禮也以其能遠恥辱故曰近於禮也

集解 史記仲尼弟子傳裴駰集解
引作故近於禮韓愈筆解引作馬曰

爲政第二

子曰爲政以德譬如北辰居其所而衆星共之

德者無爲猶北辰之不移而衆星共之

曰皇侃義疏作鄭曰

子曰詩三百一言以蔽之曰思無邪

蔽猶當也思無邪歸於正也

集解釋文引首句

道之以德

德謂道德

集解釋文

子游問孝子曰今之孝者是謂能養至於犬馬皆能有養不敬何以別乎

犬以守禦馬以代勞能養人者也一曰人之所養乃能至於犬馬不敬則無以別孟子曰養而不愛

豕畜之也愛而不敬獸畜之也

集解

子夏問孝子曰色難

色難謂承望父母顏色乃爲難也

集解 文選東廣徵補亡詩注

子曰君子不器

器者各周其用至於君子無所不周也

集解

學而不思則罔

學而不尋思其義理則罔然無所得也

集解

多聞闕疑慎言其餘則寡尤多見闕殆慎行其餘則寡悔

尤過也疑則闕之其餘不疑猶慎言之則少過也

殆危也所見危者闕而不行則少悔也

集解 史記仲尼弟

子傳集解文選潘安仁西征賦注又陸士衡文賦注並引首句

哀公問曰何爲則民服孔子對曰舉直錯諸枉則民

服

哀公魯君之諡也錯置也舉正直之人廢置邪枉

之人則民服其上矣

集解 文選司馬長卿
上林賦注引錯置也句

臨之以莊則敬孝慈則忠舉善而教不能則勸

莊嚴也君臨民以嚴則民敬其上也君能上孝於

親下慈於民則民忠矣舉用善人而教不能者則

民勸也

集解

或謂孔子曰子矣不爲政子曰書云孝子惟孝友于
兄弟施於有政是亦爲政矣其爲爲政

或人以居位乃是爲政也孝子惟孝者美大孝之

辭也友于兄弟善於兄弟也施行也政所施行也

所行有正道卽是與爲政同耳

集解 文選而安仁閉居賦注又注

仲宣詠史詩注
引施行也一句

大車無輓小車無軌

大車牛車輓者轅端橫木以縛輓者也小車駟馬

車也軌者轅端上曲鈞衡者也

集解 文選王子淵四子講德論注

引軌者
一句

八份第三

三家者以雍徹子曰相維辟公天子穆穆奚取於三

家之堂

辟公謂諸侯及二王之後也穆穆天子之容也雍
篇歌此曲者有諸侯及二王之後來助祭故也今
三家但家臣而已何取此義而作之於堂邪集解

子曰人而不仁如禮何人而不仁如樂何

言人而不仁必不能行禮樂也集解

禮與其奢也寧儉喪與其易也寧戚

易和易也言禮之本意失於奢不如儉也喪失於

和易不如哀戚也集解
文引首句

不如諸夏之亡也

諸夏中國也亡無也

集解

子曰嗚呼曾謂泰山不如林放乎

神不享非禮林放尙知問禮泰山之神反不如林

放邪欲誣而祭之也

集解

起予者商也始可與言詩已矣

予我也孔子言子夏能發明我意可與共言詩已

矣

集解 史記仲尼弟子傳集解引下二句

子曰夏禮吾能言之杞不足徵也殷禮吾能言之宋

不足徵也

徵成也杞宋二國名也夏殷之後也夏殷之禮吾

能說之杞宋之君不足以成之也

集解 史記孔子世家集解

知其說者之於天下也其如示諸斯乎指其掌

孔子謂或人言知禘禮之說者於天下之事如指

示以掌中之物言其易了也

集解

子曰吾不與祭如不祭

孔子或出或病而不自親祭使攝者爲之故不致

敬於心與不祭同也

集解 儀禮特牲饋食疏引作鄭注故不致敬作不致肅

敬

子入太廟

太廟周公廟也孔子仕魯魯祭周公而助祭也

集解

子貢欲去告朔之餼羊子曰賜也爾愛其羊我愛其

禮

羊在猶所以識其禮也羊亡禮遂廢也

集解

哀公問主於宰我

孔穎達正義引張包周本

主廟主

春秋左傳文二年正義引張包周等

成事不說遂事不諫既往不咎

事已成不可復解說也事已遂不可復諫止也事已往不可復追咎也孔子非宰我故歷言三者欲使慎其後也

集解

或曰管仲儉乎曰管氏有三歸官事不攝焉得儉

或人見孔子小之以爲謂之太儉乎三歸者娶三姓女也婦人謂嫁曰歸攝猶兼也禮國君事大官

各有人大夫兼并今管仲家臣備職非爲儉也

集解

史記禮書集解引上三句文選劉越石勸進表注引攝猶兼也句

然則管仲知禮乎

或人以儉問故答以安得儉或人聞不儉更謂爲

得知禮也

集解

從者見之

從者是弟子隨孔子行者也通使得見者也

集解

里仁第四

仁者安仁

惟性仁者自然體之故謂安仁也

集解

小人懷惠

惠恩惠也

集解

不能以禮讓爲國如禮何

如禮何者言不能用禮也

集解

子曰不患無位患所以立不患莫己知求爲可知也

求善道而學行之則人知己也

集解

見賢思齊焉

思與賢者等也

集解

子曰事父母幾諫見志不從又敬不違勞而不怨

幾微也言當微諫納善言於父母也見志者見父

母志有不從己諫之色則又當恭敬不敢違父母

意而遂己之諫也

集解

子曰古者言之不出恥躬之不逮也

古人之言不妄出口爲恥其身行之將不及也

集解

子曰君子欲訥於言而敏於行

訥遲鈍也言欲遲鈍而行欲敏也

集解 釋文引首句釋元應大

智度論音義法句經音義並引首句

子游曰事君數斯辱矣朋友數斯疏矣

數謂速數之數

韓愈筆解

公冶長第五

子謂子賤君子哉若人魯無君子者斯焉取斯

若人者若此人也如魯無君子子賤安得取此行

而學行之

集解 又選曹子建與楊德祖書注引上二句無者字史記仲尼弟子傳集解

引如魯無君子子賤安取此學而行

瑚璉也

瑚璉者黍稷器也夏曰瑚殷曰璉周曰簠簋宗廟

器之貴者也

集解 史記仲尼弟子傳集解顧野王玉篇並引上四句

子曰弗如也吾與女弗如也

既然子貢不如復云吾與女俱不如者蓋欲以慰

子貢心也

集解

宰予晝寢

宰予弟子宰我也

集解 邢本作孔
曰今從皇侃本

朽木不可彫也

朽腐也彫彫琢刻畫也

集解 史記仲尼弟子傳集解

申枨

申枨魯人也

集解 釋文

子曰臧文仲居蔡山節藻梲何如其知也

臧文仲魯大夫臧孫辰也文諡也蔡國君之守龜

也出蔡地因以爲名焉長尺有二寸居蔡偈也節

者柄也刻鏤爲山也稅者梁上楹也畫爲藻文言

其奢侈也

集解 文選王文考魯靈光殿賦任彦升竟陵王行狀注引稅者三句謝惠連

雪賦注引稅者梁上楹也

子曰已矣乎吾未見能見其過而內自訟者也

訟猶責也言人有過莫能自責者也

集解 釋文 雜摩經音義

並引 首句

雍也第六

子曰雍也可使南面

可使南面者言任諸侯可使治國政也

集解 文木作言

任諸侯治一本無治字

一本言任諸諸治國也史

記仲尼弟子傳集解引可使南面言任諸侯之治

文選陸士衡五等論

法引作諸侯之治也

無乃太簡乎

伯子之簡太簡也

集解

與之煇

十六斗爲庾也

集解

史記仲尼弟子傳集解文選虞子陽詠崔將軍北伐詩注又

任彥昇奏

彈劉蕡注

原思爲之宰

弟子原憲思字也孔子爲魯司寇以原憲爲家臣

宰也

集解

由也

果謂果敢決斷也

集解

伯牛有疾子問之自牖執其手

牛有惡疾不欲見人故孔子從牖執其手也

集解

記仲尼弟子傳集解

斯人也而有斯疾也斯人也而有斯疾也

再言之者痛惜之甚也

集解 史記仲尼弟子傳集解

子游爲武城宰子曰女得人焉爾乎曰有澹臺滅明者行不出徑非公事未嘗至於儼之室也

武城魯下邑也澹臺姓滅明名也字子羽言其公

且方也

集解 史記仲尼弟子傳集解無字子羽句

子曰質勝文則野文勝質則史文質彬彬然後君子

野如野人言鄙略也史者文多而質少也彬彬文

質相半之貌也

集解 文選楊子幼報孫會宗書注引未句陸士衡文賦注引作孔

曰

子曰人之生也直罔之生也幸而免

說同正直之道而亦生者是幸而免也

集解

子曰知之者不如好之者好之者不如樂之者

學問知之者不如好之者篤好之者又不如樂之

者深也

集解

敬鬼神而遠之

敬鬼神而不顯也

集解

子曰知者樂水仁者樂山知者動仁者靜知者樂仁者壽

知者樂運其才知以治世如水流而不知已也日

進故動也性靜故壽考也

集解

子曰齊一變至於魯魯一變至於道

言齊魯有周公大公之餘化也大公大賢周公聖

人今其政教雖衰若有明君興之者齊可使如魯

魯可使如大道行之時也

集解

述而第七

子曰述而不作信而好古竊比於我老彭

老彭殷賢大夫好述古事我若老彭但述之耳

集解

釋文引首句筆

解作祖述之而已

子曰天生德於予桓魋其如予何

桓魋宋司馬黎也天生德於予者謂授我以聖性

也合德天地吉而無不利故曰其如予何也

集解

記孔子世家集解陳氏論語古訓曰鯀按司馬黎集解俱誤當作司馬犁兒也

子曰二三子以我爲隱乎吾無隱乎爾吾無行而不與二三子者是丘也

二三子謂諸弟子也吾人知廣道深弟子學之不能及以爲有所隱匿故解之也我所爲無不與爾

共之者是丘之心也

集解

子曰蓋有不知而作之者我無是也多聞擇其善者而從之多見而識之知之次也

時人有穿鑿妄作篇籍者故云然也

集解

子曰仁遠乎哉我欲仁斯仁至矣

仁道不遠行之則至是也

集解

正唯弟子不能學也

正如所言弟子猶不能學况仁聖乎

邢疏作焉曰
○高麗本集

解作包曰
今兩存之

子路請禱

禱禱請於鬼神也

集解 世說新語 德行篇 劉孝標注

泰伯第八

君子篤於親則民興於仁故舊不遺則民不偷

興起也君能厚於親屬不遺忘其故舊行之美者

也則民皆化之起爲仁厚之行不偷薄也

集解

曾子言曰烏之將死其鳴也哀人之將死其言也善

欲戒敬子言我將死言善可用也

集解

簋豆之事則有司存

敬子忘大務小故又戒之以此也簋豆禮器也

集解

犯而不校

校報也言見侵犯而不校之也

集解

曾子曰士不可以不弘毅任重而道遠

弘大也毅強而能決斷也士弘毅然後能負重任

致遠路也

集解

子曰興於詩立於禮成於樂

興起也言修身當先學詩也禮者所以立身樂所

以成性

集解

皇本末句作孔

安國曰邢昺作包曰

子曰好勇疾貧亂也人而不仁疾之已甚亂也

好勇之人而患疾已之貧賤者必將爲亂疾惡太

甚亦使其爲亂

集解 皇本末二句作
孔安國曰 邢本作包曰

子曰篤信好學守死善道危邦不入亂邦不居

言行當常然也危邦不入謂始欲往也亂邦不居

今欲去也臣弑君子弑父亂也危者將亂之兆也

集解

惶惶而不信

惶惶慙慙也宜可信也

集解

蕩蕩乎民無能名焉

蕩蕩廣遠之稱也言其布德廣遠民無能誡其名

焉

集解

三分天下有其二以服事殷周之德其可謂至德也已矣

殷紂淫亂文王爲西伯而有聖德天下之歸周者三分有二而猶以服事殷故謂之至德也

集解

卑宮室而盡力乎溝洫

方里爲井井間有溝溝廣深四尺十里爲成成間

有洫洫廣深八尺也

集解 釋惠苑
準版經音義下

子罕第九

子罕言利與命與仁

寡能及之故希言

韓愈
筆解

子畏於匡

匡人誤圍夫子以爲陽虎陽虎嘗暴於匡夫子弟
子顏尅時又與虎俱行後尅爲夫子御至於匡匡
人相與共識尅又夫子容貌與虎相似故匡人以

兵圍之

集
解

太宰知我乎吾少也賤故多能鄙事君子多乎哉

多也

我少小貧賤常自執事故多能爲鄙人之事君子

固不當多能也

集解

子見齊衰者冕衣裳者與替者見之雖少必作過之

必趨

冕者冕冠也大夫之服也替者盲者也

集解 史記孔子世

家集解引替盲作起也趨疾行也此夫子哀有喪者

恤不成人也

集解

顛淵喟然歎曰仰之彌高鑽之彌堅瞻之在前忽焉

在後

恍惚不可得而形容

韓愈
華解

子疾病

疾甚曰病也

集解 周禮天官
疾醫疏引作鄭注

子曰賈之哉賈之哉我待賈者也

洪邁隸釋石經作
賈之哉下書包川

賈之哉不衒賣之辭也我居而待賈者也

集解

逝者如斯夫

逝往也言凡往者如川之流也

集解 文選潘安
仁秋興賦注 皇

侃本作鄭曰邢本高麗
本文選注俱作包曰

子曰譬如爲山未成一簣止吾止也譬如平地雖覆一簣進吾往也

簣土籠也此勸人進於道德也爲山者其功雖已多未成一籠而中道止者我不以其前功多而善之也見其志不遂故不與也

集解

子謂顏淵曰惜乎吾見其進也未見其止也

孔子謂顏淵進益未止痛惜之甚也

集解 皇侃本作馬曰邪

本高麗本俱作包曰

知者不惑

不惑亂也

集解

鄉黨第十

足躩如也

盤辟貌也

集解
釋文

過位

過君之空位也

集解

執圭鞠躬如也如不勝

爲君使以聘問鄰國執持君之圭鞠躬者敬慎之

主也

集解

康子饋藥拜而受之曰丘未達不敢嘗

饋孔子藥

集解

疾君視之束首加朝服拖紳

夫子疾也處謂牖之下束首加其朝服拖紳紳大

帶也不敢不以朝服見君也

集解

寢不尸

不偃卧四體布展手足如死人也

集解

車中不內顧不疾言不親指

車中不內顧者前視不過衡柅旁視不過轡轂也

論語包氏章句

卷上

六

鄭經館補校

四十二卷七十六

解集

玉函山房輯佚書目

卷四十三

經編論語類

論語包氏章句下卷

後漢包咸

論語周氏章句一卷

後漢周氏

論語馬氏訓說二卷

後漢馬融

論語鄭氏注一至四卷

後漢鄭元

論語包氏章句卷下

先進第十一

子曰先進於禮樂野人也後進於禮樂君子也

先進後進謂士先後輩也禮樂因世損益後進與

禮樂俱得時中斯君子矣先進有古風斯野人也

集解

邢本作孔曰皇本高麗本無孔曰字又皇

本仕作

士案釋文出先進云包云仕進也皇陸以

此注為

包注

如用之則吾從先進

將移風易俗歸之純素進猶近古風故從之

集解

那本脫包曰皇
本高麗本有之

顏淵死子曰噫天喪予天喪予

噫痛傷之聲也

集解
釋文

子路問聞斯行諸

賑窮救乏之事也

集解 史記仲
尼弟子傳集解

子在回何敢死

言夫子在己無所敢死也

集解 史記孔
子世家集解

子路使子羔爲費宰子曰賊夫人之子

子羔學未熟習而使爲政所以賊害人也

集解
史記仲

尼弟子
傳集解

攝乎大國之間

攝迫乎大國之間也

集解

莫春者春服既成冠者五六人童子六
七人浴乎沂
風乎舞雩詠而歸

莫春季春三月也春服既成者衣單袷之時也我
欲得冠者五六人童子六
七人浴於沂水之上風
涼於舞雩之下歌詠先王之道而歸夫子之門也

集解

史記仲尼弟子傳集解韓愈

筆解皆作孔子曰皇本那本作包曰

爲國以禮其言不讓是故哂之

爲國以禮禮道貴讓子路言不讓故笑之也

集解

顏淵第十二

顏淵曰請問其目

知其必有條目故請問之也

集解

在邦無怨在家無怨

在邦爲諸侯也在家爲卿大夫也

集解

史記仲尼弟子傳集解

內省不疚

疚病也自省無罪惡無所可憂懼也

集解

史記仲尼弟子傳

解集

子夏曰商聞之矣死生有命富貴在天君子敬而無失與人恭而有禮四海之內皆兄弟也君子何患乎無兄弟也

君子疏惡而友賢九州之人皆可以禮親也

集解

子張問崇德辨惑

辨別也

集解

徙義

徙義見義則徙意而從之也

集解

愛之欲其生惡之欲其死既欲其生又欲其死是惑也

愛惡常有常一欲生之一欲死之是心惑也

集解

聽訟吾猶人也

言與人等也

集解

樊遲從遊於舞雩之下

舞雩之處有壇埤樹木故其下可遊也

集解

舉直錯諸枉能使枉者直

舉正直之人用之廢置邪枉之人則皆化爲直也

集解

子貢問友子曰忠告而善道之不可則止毋自辱焉
忠告以是非告之也以善道導之不見從則止必
言之或見辱也

集解

子路第十三

子將奚先

問往將何所先行也

集解 史記孔
子世家集解

有是哉子之迂也

迂猶遠也言孔子之言疏遠於事也

集解 史記
孔子世家集

解 釋文

引首句

君子於其所不知蓋闕如也

君子於其所不知當闕而勿據今由不知正名之

義而謂之迂遠也

集解

名不正則言不順言不順則事不成事不成則禮樂不興禮樂不興則刑罰不中

禮以安上樂以移風二者不行則有淫刑濫罰也

集解 邢疏 宋史記孔子世家

集解 皆作孔曰皇侃本作包曰

夫如是則四方之民襁負其子而至矣焉用稼

禮義與信足以成德何用學稼以教民乎負者以

器曰襁也

集解 史記仲尼弟子傳
集解作負子之器曰襁

子曰魯衛之政兄弟也

魯周公之封衛康叔之封也周公康叔既爲兄弟

康叔睦於周公其國之政亦如兄弟也

集解

雖之夷狄不可棄也

雖之夷狄無禮義之處猶不可棄去而不行也

集解

子曰不得中行而與之必也狂狷乎狂者進取狷者
有所不爲也

中行行能得其中者也言不得中行則欲得狂狷

者狂者進取於善道狷者守節無爲欲得此二人

者以時多進退取其恒一者也

集解 釋元應大
智度論音義引上

二句

善夫

善南人之言也

集解

亦可以卽戎矣

卽就也戎兵也言可以攻戰也

集解

憲問第十四

克伐怨欲不行焉可以爲仁矣子曰可以爲難矣仁則吾不知也

此四者行之難者未足以爲仁也

集解 史記作尼弟子傳集解

引作鄭曰

邦有道危言危行

危殆也邦有道可以危言行也

集解 左傳序正義何晏以危爲厲

那本作殆

微生畝謂孔子曰丘何爲是栖栖者與無乃爲佞乎孔子曰非敢爲佞也疾固也

微生姓歆名也病世固陋欲行道以化人也

集解

子曰作者七人矣

作爲也爲之者凡七人謂長沮桀溺丈人石門荷

蕢儀封人楚狂接輿也

集解 文選范蔚宗選
民傳論注引七人至末

是知其不可而爲之者與

言孔子知世不可爲而強爲之也

集解

深則厲淺則揭

以衣涉水曰厲揭揭衣也言隨世以行亡若過水

必以濟知其不可則當不爲也

集解

子曰吾見其居於位也見其與先生並行也非求益者也欲速成者也

先生成人也並行不差在後也進禮欲速成者也則非求益者也

集解

衛靈公第十五

立則見其參於前也在與則見其倚於衡也夫然後行

衡輓也言思念忠信篤敬立則常想見參然在日

前在與則若倚衡輓也

集解 史記仲尼弟子傳集解

邦無道則可卷而懷之

卷而懷謂不與時政柔順不忤於人也

集解

服周之冕

冕禮冠也周之禮文而備也取其黻纁塞耳不在

視聽也

集解

子曰君子病無能焉不病人之不已知也

君子之人但病無聖人之道不病人之不知己也

集解

子曰君子矜而不爭

矜矜莊也

集解

子曰君子不以言舉人

有言者不必有德故不可以言舉人也

集解

如有所譽者其有所試矣

所譽輒試以事不虛譽而已矣

集解

斯民也三代之所以直道而行也

三代夏商周也

文選陸士衡五等論注引包咸曰

子曰吾猶及史之闕文也有馬者借人乘之今亡已

夫

古之良史所書字有疑則闕之以待知者也有馬不能調良則借人乘習之孔子自謂及見其人如此至今無有矣言此者以俗多穿鑿也

集解

子曰知及之仁不能守之雖得之必失之知及之仁能守之不莊以涖之則民不敬

知能及治其官而仁不能守雖得之必失之也不嚴以臨之則民不敬從其上也

集解

季氏第十六

危而不持顛而不扶則將焉用彼相矣

言持相人者當能持危扶顛若不能何用彼相爲

也

集解

蓋均無貧和無寡安無傾

政教均平則不患貧矣上下和同不患寡矣大小

安寧不傾危也

集解

而在蕭牆之內也

洪道錄釋漢石經論語句在於蕭牆之內下載盡毛包

陽貨第十七

子曰小子何莫學夫詩

小子門人也

集解

子曰古者民有三疾今也或足之亡也

言古者民疾與今時異也

集解

古之狂也肆

肆極意敢言也

集解 文選任彦昇奏彈劉整注

惡鄭聲之亂雅樂也

鄭聲淫聲之哀者惡其亂雅樂也

集解 皇本作齊那本作亂

惡稱人之惡者

好稱說人之惡所以爲惡也

集解 那本作可
皇本作爲惡

惡訐以爲直者

訐謂攻發人之陰私也

集解引攻人陰私釋文

微子第十八

孔子下

下下車也

集解釋文

子路從而後遇丈人以杖荷篠

丈人老者也篠竹器

集解史記孔子世家集解引作篠器名

丈人曰四體不勤五穀不分孰爲夫子

丈人云不勤勞四體不分殖五穀誰爲夫子而索

之耶

集解 史記孔
子世家集解

欲潔其身而亂大倫君子之仕也行其義也道之不
行已知之矣

偷道也理也言君子之仕所以行君臣之義也不
必自己道得行也孔子道不見用自己知之也

集解

逸民伯夷齊虞仲夷逸朱張柳下惠少連

此七人皆逸民之賢者也

集解

隱居放言

放言也不復言世務也

集解 史記孔
子世家集解

三飯繚適蔡四飯缺適蔡

三飯四飯樂章名也各異師繚缺皆名也

集解

鼓方叔入於河

鼓擊鼓者方叔名也入謂居其河內也

集解

周有八士

周時四乳生八子皆爲顯士故記之爾

集解

子張第十九

子夏之門人問交於子張子張曰子夏云何對曰子夏曰可者與之其不可者拒之子張曰異乎吾所聞

君子尊賢而容衆嘉善而矜不能我之大賢與於人何所不容我之不賢與人將拒我如之何其拒人也

友交當如子夏汎交當如子張

集解

致遠恐泥

泥難不通也

集解

子夏曰百工居肆以成其事君子學以致其道

言百工處其肆則事成猶君子學以立其道也

集解

子游曰子夏之門人小子當洒掃應對進退則可矣

邾末也本之則無如之何

言于夏弟子但於當對賓客修威儀禮節之事則

可然此但是人之末事耳不可無其本也故云本

之則無如之何也

集解

君子之道孰先傳焉孰後倦焉

言先傳業者必先厭倦故我門人先教以小事後

將教以大道也

集解

子游曰吾友張也爲難能也然而未仁

言子張之容儀之難及也

集解

孟氏使陽膚爲士師

陽精會于弟子也士師典獄官也

集解

天子之墻數仞

七尺曰仞也

集解 文選通安仁西征賦注又陸士衡文賦注又司馬紹統嶺山濤詩

注

夫子之云

夫子指武叔也

集解

堯曰第二十

允執其中四海困窮天祿永終

允信也困極也永長也言爲政信執其中則能亨

極四海天祿所以長終也

集解

有罪不敢赦

從天奉法有罪者不敢擅赦也

集解

皇本作

從天那本作順

帝臣不蔽

桀居帝臣之位罪過不可隱蔽

韓愈
筆解

謹權量

權秤也量斗斛也

集解

論語周氏章句一卷後漢周氏撰周氏名字得里俱
佚與包咸皆治張侯論語而爲其章句諸志不著錄
惟見何晏集解序顧集解列名於序中而採七家說
凡邢疏所稱周曰者皇侃本高麗本俱作周生烈無
一及漢之周氏唯三吳而作注韓愈筆解作周曰今
疏本脫去可徵者僅此春秋正義引廟主云張包周
石經論語殘碑於賈之哉下云包周於而在於蕭牆
之內下云盍毛包周此外無顯引者攷陸德明釋文
云鄭校周之本以齊古讀正凡五十事然則康成注

魯論本據周氏也故凡鄭言魯讀者悉爲章句之遺而鄭本與今殊異不言魯古亦皆周義之可從者也茲併輯錄與包比次兩家章句規模略存甄覈同異魯古之源流可考焉歷城馬國翰竹吾甫

論語周氏章句

後漢 周氏 撰

學而第一

專不習乎

陸德明釋文案鄭校周之本以齊古讀正凡五十事又云鄭曰魯讀傳爲專王應麟

玉海卷四十一引同

爲政第二

而衆星拱之

釋文共鄭作拱俱勇反拱拱手也

有酒食先生俊

釋文傾鄭作俊音俊食餘曰俊徐堅初學記孝部引同

舉直措諸枉則民服舉枉措諸直則民不服

釋文第鄭本作

也 措投

八佾第三

哀公問主於宰我

釋文社鄭本作主

主廟主 春秋左傳文二年正義以張包周等並爲廟主

里仁第四

無敵也無莫也

釋文適鄭本作敬莫音慕莫無所貪慕也

公治長第五

猶吾大夫高子也

釋文鄭曰魯讀崔爲高

雍也第六

如有復我者必在汶上矣

釋文鄭本無則吾二字

述而第七

子之宴居

釋文燕居本作宴

五十以學亦可以無大過矣

釋文鄭曰魯頌易爲亦

誠爲弟子不能學也

釋文鄭曰魯頌正爲誠

君子坦湯湯

釋文鄭曰魯頌坦湯爲坦湯

子罕第九

貌衣裳者

釋文鄭曰魯頌弁爲貌

求善賈而買諸賈之哉

洪道隸釋石經論語殘碑買諸賈之哉下書包周

鄉黨第十

趨如授

釋文鄭曰魯讀下爲趨

必祭必齊如也

釋文鄭曰魯讀瓜爲必

鄉人獻

釋文鄭曰魯讀爲獻

君賜牲

釋文鄭曰魯讀生爲牲

見貌者

釋文鄭曰魯讀弁爲貌

車中內顧不疾言不親指

釋文鄭曰魯讀車中內顧

子路共之三嗅而作

非本意不苟食故三嗅而作

韓愈筆解引周曰○案今邢本集解脫周

日二
字

先進第十一

仁舊貫

釋文鄭曰魯
頤仍爲仁

異乎三子者之僂

釋文僂
鄭作假

詠而歸

釋文鄭曰魯
讀魚爲歸

顏淵第十二

片言可以制獄者

釋文鄭曰魯
讀折爲制

子路第十三

子之于也

釋文迂鄭本
作于往也

論語周氏章句

吾黨有直弓者

釋文躬鄭本作弓云直人名弓

忠問第十四

卑謹草創之

賈昌朝羣經音辨碑鄭本作卑碑支切

衛靈公第十五

好行小惠

釋文鄭曰魯讀慧爲惠

子曰父在觀其志父沒觀其行

釋文鄭曰古皆無此章

季氏第十六

而在蕭蕭之內

石經殘碑而在於蕭蕭之內蓋毛包周無於

言未及之而言謂之傲

釋文鄭曰魯讀躁爲傲

陽貨第十七

歸孔子豚

釋文鄭曰魯讀饋爲歸

古之於也

釋文鄭曰魯讀廉爲販

夫何言哉

釋文鄭曰魯讀天爲夫

惡果敢而窒者

釋文鄭曰魯讀窒爲室

微子第十八

斯斯已矣今之從政者殆

釋文已而已而今之從政者殆而鄭曰魯讀斯已

矣今之從

政者殆

侏張

釋文朱張鄭作侏張云音陟韻反

發中權

釋文廣
莫作發

堯曰第二十

謂之有司

子曰不知命一
章釋文鄭曰魯論無此章